



KANTON SARAJEVO

Broj: 14-02-04-05271/23

Datum: 19. 10. 2023. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
ul. Reisa Dž. Čauševića br. 1
71000 SARAJEVO

N/r Elvedin Okerić, predsjedavajući

23-10-2023

PREDMET: Odgovor na zastupničku inicijativu, dostavlja se;

VEZA: Vaš akt, broj: 01-04-42543-7/23 od 03.10.2023. godine

Poštovani,

U skladu sa Vašim aktom, broj i datum veze, a koji se tiče zastupničkog inicijative zastupnice Marijele Hašimbegović, upućene na Devetoj radnoj sjednici Skupštine Kantona Sarajevo, održanoj 03.10.2023. godine, koje glasi:

"Upućujem inicijativu radi hitnog uklanjanja otpada – azbestnog krova koji je deponovan na lokalitetu vodozaštitne zone kao i drugog otpada koji se nalazi na ovoj deponiji",

dajemo slijedeću informaciju.

Inspektorat urbanističko-građevinske, stambene i ekološke inspekcije Kantonalne uprave za inspekcijske poslove Kantona Sarajevo vršio je inspekcijski nadzor iste lokacije u mjesecu martu 2023. godine po zastupničkoj inicijativi zastupnika Avdić Samira, a na koje okolnosti je Skupštini Kantona Sarajevo dostavljen odgovor.

Na osnovu gore citirane zastupničke inicijative zastupnice Marijele Hašimbegović, Inspektorat urbanističko-građevinske, stambene i ekološke inspekcije izvršio je dana, 17.10.2023. godine ponovni uvid na licu mjesta u timskom inspekcijskom nadzoru sa postupajućim kantonalnim inspektorom u Inspektoratu za poljoprivrednu, vodnu i šumarsku inspekciju Kantonalne uprave za inspekcijske poslove, te je tom prilikom urađen pregled navedene lokacije i utvrđeno da se na području 1. vodozaštite zone odlaže zemljani iskop kao i građevinski otpad, kao i da je izvršeno odlaganje manjeg broja salonit ploča.

Prostoru na kojem je stvorena divlja deponija moguće je prići motornim vozilom iz više pravaca, ista nije ograđena niti pod video nadzorom te je omogućeno odlaganje raznog otpada bez ikakve kontrole. U ranije rađenom nadzoru postupajući inspektor je utvrdio da je firma "Mevludin

commerce" d.o.o. Sarajevo dobila odobrenje od Opštine Ilidža od 16.09.2020. godine za nasipanje i nivelaciju terena sa zemljom iz iskopa i neopasnim građevinskim otpadom na ovoj lokaciji. U momentu inspekcijskog nadzora nisu vršene nikakve aktivnosti na odlaganju otpada niti je bilo moguće utvrditi ko je izvršio odlaganje salonit ploča na lokaciji divlje deponije.

Pravilnikom o građevinskom otpadu ("Sl.novine Federacije Bosne i Hercegovine " br.93/19) članom 31. rečeno je da se zbrinjavanje azbestnog otpada obavlja odlaganjem u spremniku za zbrinjavanje azbestnog otpada u sklopu odlagališta opasnog otpada na za to predviđenom mjestu. U skladu sa članom 30. pomenutog Pravilnika vlasnik azbestnog otpada dužan je postupati po uputama za postupanje sa azbestnim otpadom ali kako u ovom slučaju nije poznat vlasnik azbestnog otpada nije moguće ni rješenjem narediti da se isti zbrine na okolinski prihvatljiv način niti uputiti na lokaciju na kojoj se odlaže opasni otpad, jer ista nije niti određena.

Članom 35. Pravilnika o građevinskom otpadu definisano je da su jedinice lokalne samouprave dužne evidentirati lokacije građevina sa azbestom i o tome obavijestiti Fond za zaštitu okoliša.

U skladu sa prethodno navedenim, Opštini Ilidža dostavljena je informacija o odloženom azbestu na lokaciji divlje deponije u Sokolović Koloniji, na znanje.

S poštovanjem,

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a

V.D. DIREKTOR


Adis Mešić

Akt sačinila: Selma Suljević